










TŪHONO: HE KŌRERO MŌ MĀIA





VOYCE
WHAKARONGO MAI







KA WAIA HAERE NGĀ KŌTIRO KI A RĀUA ANŌ KA TAKA ANA TE WĀ. KA RONGO KŌRERO A MĀIA MŌ TE TIAKINA HOKI O ANA, MŌ NGĀ MEA MAHA HOKI E ŌRITE ANA I WAENGA I A RĀUA.



HAERE ANA RĀNEI KOE KI TE PĀTI KI TE HŌPUA WAI A VOYCE Ā TE WIKI E TŪ MAI NEI. I KĪ MAI A SANDY KA WĀTEA KIA HAERE WHAI MURI I TAKU AKORANGA POIWHANA!

ĀE RĀI NGĀKAUNUI ANA AU KI TE KAUIHOE!

PĀIAI HIAMO KATOA ANA KI TE KITE ANŌ I A KOE.



Kia ora!

Kei te pīrangi Kaiwhakamana koe pērā i a Sarah?

I VOYCE – Whakarongo Mai, ko tā mātou, he whakarongo ki ngā taiohi i ngā ratonga tiaki me te āwhina i a rātou kia rangona ō rātou reo.

I waihanghia te kaupapa nei e ngā tāngata i roto i ngā ratonga tiaki i ngā wā o mua, e mōhio ana hoki ki ngā uauatanga i ōna wā i pīrangi ai rātou kia whakapai ake i ngā āhuatanga ki ngā taiohi pēnā i a koe. I pīrangi āwhina a Māia mai i tana Kaiwhakamana kia tūtakina ngā tāngata e tiakina ana pērā i a ia, engari ka wātea koe kia tonono i tō Kaiwhakamana kia āwhinatia koe mō ngā kaupapa rerekē!

Noho motuhake ana a VOYCE i te Kāwanatanga, i Oranga Tamariki anō hoki, ā, kei konei noa mātou ki te āwhina i ngā taiohi i ngā ratonga tiaki.

He rōpū o mātou puta noa i Aotearoa!

Tirohia te mahere nei e whakaatu ana i te wāhi e noho nā ngā tari o ō mātou tīma (i te 2021). Ki te kore koe e kite i tētahi tohu i tō takiwā, hīkaka ana ō mātou Kaiwhakamana ki te hautū waka atu ki a koe.

Kia kōrero ki tētahi Kaiwhakamana, waea mai ki **0800 4VOYCE (0800 486 923)**, imēra mai rānei ki contactus@voyce.org.nz rikarika ana te ngākau ki te rongō kōrero i a koe!



He aha ngā momo āwhina a VOYCE?

Kia tautokona koe i roto i ngā whakataunga e pā ana ki tō ratonga tiaki me te mōhio kei te whai wāhi atu ō wawata. Ka wātea hoki pea mātou ki te āwhina i a koe kia:

- ✓ Kitea tō whānau, kia whāia hoki ō moni pūkoro
- ✓ Āwhinatia koe kia whai reo i tētahi Family Group Conference, i tētahi hui ā-whānau rānei
- ✓ Kōrerotia ō wawata ka wehe ana koe i tō kaitiaki
- ✓ Tautokona koe i te Youth Justice, i te Residences rānei



Ka ahatia ina waea mai, ina īmēra mai rānei ki a VOYCE?

Ka kōrero mai koe ki tētahi o ngā Kaiwhakamana manahau. Ka tono i tō ingoa, i te rohe e noho nā koe, me te ara pai rawa atu kia whakapā atu ki a koe. Whai muri, ka rapu i te Kaiwhakamana pai rawa atu i tō rohe, ka waea atu ai taua tangata ki a koe kia whakaritea he hui.

Ka ahatia ina panonihia ōku whakaaro?

Kei te pai noa iho! Ki te kore koe e pīrangī kia whakapā atu a VOYCE ki a koe, heoi anō rā tāu e whakamōhio mai ki tō kaiwhakamana. Kāore koe e herea ana ki te mahi i ngā mahi kāore i te tau ki a koe, kei te pai hoki kia whakapā atu anō koe ā tōna wā ina pīrangitia.



He aha te tūhono, me pēhea hoki te whai wāhi atu?

Ko te tikanga o te tūhono ko te hononga, he ingoa hoki mō ngā hui ngahau e whakahaerehia ana e ngā Kaiwhakamana. He wāhi hoki kia tūtaki atu koe ki ētahi atu taiohi i ngā ratonga tiaki, me te mahi i ētahi mahi ngahau rerekē, i ētahi wā he pāti ki te hōpua wai, ā, i ētahi wā, ko te kai parehe me te whakatā noa iho te karawhiu!

Heoi, e wātea ana koe i ngā wā katoa! Ehara i te mea me mōhio kē koe ki a VOYCE kia haramai, ā, he pānui whakaahua ka iri ki tā mātou paeāhua VOYCE me tā mātou whārangi Pukamata hei tiro-turo māu mēnā he hui ā kō ake nei.

Whakapā mai ki a mātou!

Ka utu kore tō waea mai ki **0800 4VOYCE (0800 486 923)**
īmēra mai rānei ki **contactus@voyce.org.nz**
peka mai rānei ki te pae tukutuku **voyce.org.nz/contact-us**
Hīkaka ana mātou kia rongu kōrero i a koe!

Whāia mai mātou i te ipurangi:



@voycenz @voycetuhono



@VOYCE - Whakarongo Mai